



Primitljeno: 24.06.2002. godine		
Org. jed.	Broj	Vrijednost
02/3-011-651/02		

BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Komisija za finansijske
i administrativne poslove
Broj: 02/3-011- 651/02
Sarajevo, 20. 6. 2002.

ZAPISNIK

21. sjednice Komisije za finansijske i administrativne poslove **Doma naroda Parlamentarne skupštine Bosne i Hercegovine** **održane 18. 6. 2002.**

21. sjednicu Komisije za finansijske i administrativne poslove Doma naroda Parlamentarne skupštine Bosne i Hercegovine sazvaio je predsjedatelj Komisije Jerko Ivanković.

Na sjednici Komisije su prisustvovali: Šefik Džaferović, Munib Jusufović, Jerko Ivanković, Dragutin Ilić, Momčilo Novaković.

Ilija Šimić je opravdano izostao sa sjednice.

Sjednici su prisustvovali: predstavnici Predsjedništva BiH, Vijeća ministara BiH, Centralne banke i Vedran Hadžović, sekretar Zajedničke službe Parlamentarne skupštine BiH.

Sjednicom je predsjedao predsjedatelj Komisije Jerko Ivanković.

Nakon što je ustanovljen kvorum, za sjednicu je predložen sljedeći

DNEVNI RED

1. Usvajanje zapisnika s 19. i 20. sjednice Komisije
2. Zakon o izmjenama i dopunama Zakona o centralnoj banci – predlagač Predsjedništvo BiH;
3. Zakon o osiguranju depozita Bosne i Hercegovine – predlagač Vijeće ministara;
4. Rezolucija o izvornom financiranju institucija i međunarodnih obaveza Bosne i Hercegovine, predlagač Sejfudin Tokić;
5. Sporazum o Amandmanu na Ugovor o zajmu datiran 2. novembar 2000. između Europske banke za rekonstrukciju i razvoj Bosne i Hercegovine;
6. Ugovor između Bosne i Hercegovine i Savezne Republike Njemačke o podsticanju i međusobnoj zaštiti investicija sa Protokolom;
7. Odgovor iz Ministarstva vanjske trgovine i ekonomskih odnosa na zaključke Komisije povodom Sporazuma između Vlade Bosne i Hercegovine i Vlade Savezne Republike Njemačke o finansijskoj potpori radi osnutka preduzeća od strane stručne radne snage koja se vraća u Bosnu i Hercegovinu Informacija o preduzetim mjerama u vezi sa predhodnom revizijom poslovanja od 1. 1. do 31. 12. 2001. god;

8. Pregled utrošenih budžetskih sredstava po vrstama rashoda za period od 1. 1. do 30. 4. 2002. godine, sa:
 - a.) Pregledom troškova putovanja u inozemstvo delegacija Parlamentarne skupštine BiH za period od 1. 1. – 30. 4. 2002. god.
 - b.) Pregledom putnih troškova u zemlji za period od 1. 1. – 30. 4. 2002. godine;
9. Odgovor na žalbu Lajle Tafro na Rješenje o postavljanju na radno mjesto Šefa Informativno-dokumanetacijske službe u Tajništvu Parlamentarne skupštine BiH;
10. Tekuća pitanja
 - Molbe za refundaciju troškova mobilnog telefona
 - Rješenje o određivanju koeficijenta za obračun plaće

1. Usvajanje zapisnika s 19. i 20. sjednice Komisije

Zapisnici 19. i 20. sjednice Komisije su jednoglasno usvojeni.

2. Zakon o izmjenama i dopunama Zakona o centralnoj banci – predlagač Predsjedništvo BiH;

Komisija je razmatrala **Prijedlog zakona o izmjenama i dopunama Zakona o Centralnoj Banci BiH**; u raspravi su učestvovali svi prisutni članovi Komisije. Amandmane na Prijedlog zakona uložio je izaslanik Nikola Špirić. Komisija je zaključila da amandmani Nikole Špirića nisu predmet razmatranog Prijedloga zakona o izmjenama i dopunama Zakona o Centralnoj banci, te je jednoglasno donijela odluku da se amandmani Nikole Špirića ne razmatraju, jer predstavljaju novi prijedlog za izmjenu i dopunu Zakona o Centralnoj banci, a ne amandmane na Prijedlog Zakona o izmjenama i dopunama Zakona o Centralnoj banci koji je razmatran na sjednici Komisije. **Komisija je jednoglasno zaključila da je neophodno donošenje Zakona o izmjenama i dopunama Zakona o Centralnoj banci BiH i predložila Domu naroda Parlamentarne skupštine BiH da usvoji Zakon.**

3. Zakon o osiguranju depozita Bosne i Hercegovine – predlagač Vijeće ministara;

U raspravi o **Prijedlogu zakona o osiguranju depozita Bosne i Hercegovine**, učestvovali su svi članovi Komisije, kao i predstavnici Ministarstva za trezor i Predsjedništva. Amandmane na Prijedlog Zakona uložili su izaslanici: Ibrahim Spahić, Momčilo Novaković, Nikola Špirić i Šefik Džaferović, te Komisija za finansijske i administrativne poslove. Komisija je vodila raspravu o 4 Amandmana predloženih od Ibrahima Spahića, 16 Amandmana predloženih od Momčila Novakovića, 13 Amandmana predloženih od Nikole Špirića, 1 Amandmanu predloženom od Šefika Džaferovića i 1 Amandmanu Komisije. Komisija je po redoslijedu razmatrala predložene Amandmane i pojedinačno se izjašnjavala o svakom predloženom amandmanu.

Nakon provedene rasprave Komisija je usvojila sljedeće Amandmane:

Amandman 1 izaslanika Spahića, **Amandman 4** izaslanika Novakovića i **Amandman 7** izaslanika Špirića je idenitičan, a glasi:

U članu 18.3. stav 10. i stav 11. treba brisati, jer je ista materija regulisana u stvavovima 12. 13. istog člana.

Amandman 2 izaslanika Spahića, **Amandman 9** izaslanika Novakovića i **Amandman 9** izaslanika Špirića je idenitičan, a glasi:

U članu 19.2. stav 3. riječi «njegovih/njenih», «mu/joj» i «on/ona» zamijeniti riječima «direktor», jer se predloženi amandman odnosi na poboljšanje teksta Zakona, odnosno preciznijih formulacija.

Amandman 3 izaslanika Spahića, **Amandman 11** izaslanika Novakovića i **Amandman 10** izaslanika Špirića je idenitičan, a glasi:

U članu 21. stav 6. iza riječi: «godinu dana» dodati riječi: «u kom roku se privremeno upotrijebljena sredstva vraćaju u Fond», jer privremena upotreba uplaćenih sredstava premija osiguranja u svrhu finansiranja operativnih troškova Agencije je u suprotnosti sa članom 11. stav 2. Zakona koji definiira da se sredstva premija osiguranja u svrhu finansiranja operativnih troškova Agencije je u suprotnosti s članom 11. stav 2. Zakona koji definiira da se sredstva premije osiguranja koriste isključivo za povećanje kapitala Fonda.

Amandman 10 izaslanika Novakovića

U članu 20. u posljednjem stavu iza riječi «poslovne» treba dodati riječ «tajne». Smatramo da je greškom izostavljena riječ «tajne».

Amandman 1 Komisije

Na tekst Zakona o osiguranju depozita Bosne i Hercegovine, u članu 12.1, zadnji stav, riječi: «Rezultirajući iz» se brišu.

Novi tekst ovog stava treba da glasi: «U slučaju isplate osiguranja depozita, prava deponenta, ograničena na iznos isplate osiguranja, zakonski se prenose na Agenciju, na cessio legis načina.»

U članu 12.2. zadnji stav mijenja se i glasi: «U skladu sa ograničenjima i isključenjima iz članova 4. i 5. ovog Zakona, Agencija je dužna isplatiti sve preostale osigurane iznose prikladnih depozita koji nisu isplaćeni u skladu s odredbom stava 1. člana 12.2.2. bez neopravdanog kašnjenja i zapošeti proces isplate najkasnije 60 dana od dana oduzimanja dozvole bivšoj banci članici u slučaju dobrovoljnog obustavljanja poslovanja banke članice u skladu s odredbama Zakona o bankama. Sve isplate naknada za osigurane depozite moraju se završiti u roku od 90 dana od dana oduzimanja dozvole banci.»

U članu 12. 2. 3 . prvi stav se mjenja i treba da glasi: «U skladu s ograničenjima i isključenjima iz članova 4. i 5. ovog Zakona, Agencija je dužna isplatiti osigurani iznos prikladnih depozita bez neopravdanog kašnjenja. U slučaju imenovanja privremenog upravnika u banci članici, proces isplate prvobitno zavisi od preporuke privremenog upravnika i prihvatanja te preporuke od strane odgovarajuće Agencije za bankarstvo.»

Ostali predloženi Amandmani nisu dobili potrebnu većinu glasova, te su odbijeni. Momčilo Novaković je povukao sljedeće Amandmane: Am.1, Am. 2, Am. 13, i Am. 16.

9. **Pregled utrošenih budžetskih sredstava po vrstama rashoda za period od 1. 1. do 30. 4. 2002. godine, sa:**
- **Pregledom troškova putovanja u inozemstvo delegacija Parlamentarne skupštine BiH za period od 1. 1. – 30. 4. 2002. god.**
 - **Pregledom putnih troškova u zemlji za period od 1. 1. – 30. 4. 2002. godine;**

Nakon provedene rasprave Komisija je jednoglasno zaključila da se zbog stanja prikazanom u pregledima troškova, započne s pripremama rebalansa proračuna, kao i racionalizacijom sredstava. Prijedlog Komisije je da Zajednička služba pripremi prijedlog mjera koje je potrebno poduzeti u cilju racionalizacije.

10. Odgovor na žalbu Lajle Tafro na Rješenje o postavljanju na radno mjesto Šefa Informativno-dokumanetacijske službe u Tajništvu Parlamentarne skupštine BiH;

Nakon provedene rasprave u kojoj su učestvovali svi članovi Komisije, te nakon što je Vedran Hadžović dodatno informirao članove o uvjetima konkursa, glasalo se o Odluci o odbijanju žalbe Lejle Tafro. Sa dva glasa Za, jednim Protiv i jednim Uzdržanim, žalba Lejele Tafro je odbijena od strane Komisije.

11. Tekuća pitanja

- **Molbe za refundaciju troškova mobilnog telefona (Zlatko Vukmirović, Merdžana Iglica, Sena Bajraktarević, Nevenka Savić)**

Nakon provedene rasprave Komisija je sa dva glasa Za, jedan Protiv i jedan Uzdržan donijela odluku da navedena lica, zbog prirode posla koji obavljaju i nužnosti svakodnevnih intenzivnih kontakata, a prema Odluci o izmjenama Pravilnika o plaćama i nadoknadama državnih službenika i namještenika u Sekretarijatu Parlamentarne skupštine Bosne i Hercegovine, od 3. 7. 2001, članak 21, stav 2, osigura naknada za korištenje mobitela u iznosu do 80 KM mjesečno.

- **Rješenje o određivanju koeficijenta za obračun plaće**

Komisija je jednoglasno prihvatila da se Rješenje o određivanju koeficijenta za obračun plaće primjeni od 20. 3. 2001, zbog greške koja je napravljena u prvoj verziji rješenja, a koja je nakanadno ispravljena. Ispravljena verzija teksta Rješenja je predočena članovima Komisije, da bi nakon provedene rasprave, Komisija jednoglasno prihvatila da se Iliji Šimiću, izaslaniku u Domu naroda Parlamentarne skupštine odobri Rješenje o određivanju koeficijenta za obračun plaće.

Predsjedatelj Komisije
Jerko Ivanković v. r.